



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Privilegivm Marini Papae I. Monasterio Solemniacensi Concessvm.

urn:nbn:de:hbz:466:1-15967

glorum Romæ existentem rogatu Aelfredi regis a tributo liberam fecit. *Matthæus VVestmonasteriensis.* Cumque locis omnibus supra allegatis Marinus nominetur, recte Platinam erroris redarguit Onuphrius, quod aliter quam Martinum appellantes similitudine nominis deceptos esse scribat. Huius temporibus, Northmanni Treuirorum, Tungrorum, Vbiorum, aliorumque circumiacentium populorum vrbes & opida incendiis & rapienis deuastarunt. *Ex actis sanctæ Gudilæ & annalibus Francorum Baronius.* Photius schismaticus hoc tempore Aquileiensi archiepiscopo imperito & schismatico de processione Spiritus sancti respondens, causam dedit, quod sicut iam diu ante hæc tempora Hispaniarum & Galliarum ecclesiæ; ita etiam ad retundendam Photii eiusque sectariorum de processione Spiritus sancti hæresin, Romana ecclesia additamentum illud, *Filioque*, ad symbolum Constantinopolitanum posterioribus hisce sæculis adiecerit, & in ecclesia publice decantauerit. *Quo tempore & fine, quo uero auctore & modo id factum fuerit, ex Aetheriano, & Concilio Florentino refert Baronius anno 883.*

numero 34. & sequentibus. Marinus apostolico munere laudabiliter perfunctus migravit ex hac vita xv. Kalendas Februarii anno Redemptoris 884. cum in pontificatu annum vnum & dies viginti sedisset. Post obitum eius sedes biduo vacauit.

Sitne Marinus, an Martinus nominandus?

Marini obi-
tus quando
factus?

PRIVILEGIUM MARINI PAPÆ I.

MONASTERIO SOLEMNIACENSI CONCESSVM.

Marinus episcopus seruus seruorum Dei dilecto abbati Danieli ex canobio sancti Petri Solemniacensis, quod olim a beato viro Elio est constructum, successoribusque tuis, ac monachis inibi nobiliter degentibus, in perpetuum.

CONVENIT enim nostro pontificio, vt quantum præ omnibus eminet dignitate, tanto supra vniuersos eniat serenissima pietate. Postula lastis itaque a nobis, vt præfatum cœnobium sub defensione ac tuitione beatorum apostolorum Petri & Pauli ac nostra statueremus, sicut factum legimus ab antecessore nostro beato viro papa, po-

stulante nobilissimo Francorum rege Dagoberto, & constructore ipsius locis sanctissimo viro Eligio episcopo Noviomageni, quatenus quieti ac tuti esse per futura tempora valeatis. Nos vero, vestram sanctitatem agnoscentes, vestraeque religioni assensum præbentes, tanta alacritate latto animo concedimus, quanto vos Deo propinquiores in sacra conuersatione cognoscimus fore. Igitur iuxta petitionem vestram, huiusmodi priuilegium præsentis auctoritatis nostræ decreto eidem venerabili monasterio vestris futurisque temporibus indulgemus, concedimus, atque confirmamus. Et sicut nobilissimus Francorum rex Dagobertus, & gloriosissimi Augusti, Carolus & filius eius Ludouicus, & filii & nepotes eorum, Carolus imperator, & eiusdem Caroli filius Ludouicus, nec non & Karlomanus Ludouici filius, qui nunc regnum Francorum feliciter gubernare videtur, dueti diuino amore, de villis ac facultatibus seu stipendiis propriis, vel quolibet modo ibi a fidelibus viris condonatae res, vel a vobis quoquomodo acquisitæ sunt, sicut in præceptis prædictorum regum continentur, vel in charta eiusdem monasterii fundatoris insertum est, scilicet Eligii episcopi, omnia illibata & inconnulsa nostræ auctoritatis priuilegio confirmamus. Damus etiam licentiam, propter persecutionem infidelium Christianitatem deuastantium, munitionem ibi fieri. Constituimus alia auctoritate beati Petri, ut nullus regum, nemmo antistitum, vel abbatum, seu quilibet sua præditus dignitate, de iis quæ in prælibatis præceptis continentur, vel in futuro ab eis, vel a quibuslibet de proprio fuerint his specialibus vñibus iure collata, sub cuiuslibet causæ occasione siue specie, quidquam minuere vel auferre, vel aliis quasi piis causis pro siue avaritiæ excusatione præsumat concedere. Sed cuncta, quæ vñibus monachorum vel ecclesiæ oblata sunt, vel offerri contigerit, perenni tempore absque vlla inquietudine ipsis, quibus concessa sunt, profutura permaneant. Statutum etiam, ut nullus episcoporum, seu comitum, mansiōnatum ibi, vel paratas, vel stationes requirere seu exigere præsumat: sed liceat seruis Dei sine aliqua inquietudine Deo seruire, & hospitalitatis benevolentiam, prout eis libuerit, cunctis fidelibus impendere. Placuit huic paginæ inseri, ut obeunte abbe

præ-

HADRIANI PAPÆ III. VITA. 513

prædicti cœnobii, nullus ibi, quacumque subreptionis ambitione, abbatem statuere præsumat, nisi quem eiusdem loci monachi secundum authenticam & regularem institutionem ex seipsis elegerint ordinandum. Si quis autem hanc paginam constitutionis agnoscens contra eam venire tentauerit, sit alienus a sacratissimo corpore Domini Iesu Christi, & nisi præsumpta correxerit, vel male ablata non restituerit, vltionem cum Iuda proditore excipiat, & beatum Petrum sentiat hostem. Cunctis autem eidem loco iusta seruantibus sit pax Domini nostri Iesu Christi, quatinus & hic fructum bonæ actionis inueniant. Scriptum per manum Zachariæ scribentis sanctæ Romanae ecclesiæ mense Maio, indictione prima. Bene valete. Pridie Idus Iunias, per manum Valentini ecclesiæ Portuensis episcopi, regnante in perpetuum Domino Deo nostro. Anno pontificatus domini Marini yniuersalis papæ primo, indictione prima.

VITA

ANNO
CHRISTI
884.

HADRIANI PAPÆ III.

HA DRIANVS III. natione Romanus xiiii. Kalendas Februarii anno Redemptoris nostri 884. tempori- bus Caroli III. & Basili imperatoris creatus est pontifex: sedit annum vnum, menses tres, dies decem & nouem. Solicitatus a Basilio imperatore ut cum Photio in rebus fidei & religionis communicaret, non tantum non peti- tioni eius acquieuit, verum exemplo predecessoris sui Marini eumdem tamquam laicum acerrime est infectatus. Quo facto imperator grauissime contra eum commotus, hostiles ei literas contumeliis plenissimas transmisit. Hadriano prius hac vita defuncto, quam literas imperatoris minacissimas accepisset, accepit eas Stephanus, reddiditque ad Basilium eam epistolam, quam supra in appendice octauæ Synodi impressam inuenies.

De electione pontificis decreuit, ne in ipso creando imperatoris auctoritas exspectaretur; idque ideo, vt clerici & populi libera sint suffragia. Eius tempore Cassinense monasterium a Saracenis incensum esse scribit Leo

Concil. Tom. 24.

Ttt